



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77 հեռ. 010 51-29-53 էլ. hwsgn patrol-service@police.am

N 91/1997

<< 11 >> 02 2022թ.

Ռոբերտ Հակոբյանին
Երևան Բակուբեյի փող. 5 շենք 31 բն

Ներկայումս եմ ձեր պնդման հիման վրա ՀՀ ոստիկանության աստիճանի
նստիկանության իրավաբանական բաժնից ցուցում իրականացնում վարչական
քաղաքական վարույթի արդյունքում թիվ 8180089548 վարչական սկզբ չկանելու
և վարչական իրավախախտման վերաբերյալ գործի վարույթը կարճելու մասին
որոշումը:

Առդիր՝ << 2 >> թերթ:

Պետ,
ոստիկանության գնդապետ՝

Ա.Ումրշատյան

Կատ. Ս.Ավետյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 14.01.2022թ-ին կայացված թիվ 8180089348 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 11 >> 01 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա.Ումրշատյանս, վերանայելով Ռոբերտ Հակոբյանի (Ծանուցման հասցե՝ ք.Երևան Բակունցի փող. 5 շենք 31 բն.) 24.01.2022թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

14.01.2022 թ.-ին՝ ժամը 04:00-ին, Երևան քաղաքի Սայաթ-Նովայի փողոցում քաղաքացի Ռոբերտ Հակոբյանը «Մերսեդես» մակնիշի 11 BM 101 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագիր: ՀՀ ոստիկանության պարեկային ծառայության Երևան քաղաքի գնդի 3-րդ պարեկային գումարտակի 1-ին վաշտի ավագ պարեկ Դավիթ Սարգսյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի հատկանիշներով կայացվել է թիվ 8180089348 որոշումը՝ Ռոբերտ Հակոբյանին 100.000 ՀՀ դրամի չափով տուգանելու մասին:

24.01.2022 թվականին ՀՀ պարեկային ծառայություն ստացված դիմումով Ռոբերտ Հակոբյանը խնդրել է անվավեր ճանաչել ՀՀ ոստիկանության պարեկային ծառայության վարչական իրավախախտման վերաբերյալ գործով 14.01.2022թ. կայացված 8180089348 որոշումը՝ նշելով, որ տրանսպորտային միջոցն ունեցել է ԱՊՊԱ պայմանագիր, սակայն հաշվառման համարանիշի փոփոխության հետևանքով ԱՊՊԱ պայմանագրում փոփոխություն չի կատարել:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 14.01.2022թ. կայացված թիվ 8180089348 որոշումը ենթակա է բեկանման՝ հետևյալ պատճառաբանությամբ.

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային

ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Հայաստանի ավտոապահովագրողների բյուրոյի վերահսկողության և սպառողների շահերի պաշտպանության ծառայության աշխատակից, վերահսկող Սարգիս Խաչատրյանի կողմից տրված տեղեկատվության համաձայն՝ «Մերսեդես» մակնիշի ավտոմոբիլի 34 MP 571 հաշվառման համարանիշները փոփոխվել են, որից հետո վերջինիս տրամադրվել են 11 BM 101 հաշվառման համարանիշերը, իսկ ապահովագրորն այդ մասին անմիջապես չի տեղեկացրել ապահովագրական ընկերությանը՝ պայմանագրում փոփոխություններ կատարելու վերաբերյալ համաձայնագրի կնքման նպատակով, այդ պատճառով ԱՊՊԱ տեղեկատվական համակարգում հիշյալ ավտոտրանսպորտային միջոցի վերաբերյալ մինչև 14.01.2022թ.-ը մնացել են նախկին հաշվառման համարանիշի տվյալները, սակայն 14.01.2022թ.-ին 11 BM 101 հաշվառման համարանիշի տրանսպորտային միջոցը եղել է ապահովագրված:

ՀՀ ավտոապահովագրողների բյուրոյի էլեկտրոնային կայքից կատարված քաղվածքի համաձայն 34 MP 571 հաշվառման համարանիշի տրանսպորտային միջոցը մինչև 13.02.2022թ. ունի գործող ԱՊՊԱ պայմանագիր:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա) կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե բացակայում է վարչական իրավախախտման դեպքը կամ կազմը:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 14.01.2022թ. կայացված թիվ 8180089348 որոշումը բեկանել և վարչական իրավախախտման վերաբերյալ գործի վարույթը կարճել:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

3. Սույն որոշման օրինակն ուղարկել Ռոբերտ Հակոբյանին և ՀՀ պարեկային ծառայության Երևան քաղաքի գունդ:

Պետ,
ոստիկանության գնդապետ՝



Ա.Ումրշատյան